

Na sjednici Osnivačke skupštine održane 12.11.2011.godine u Tuzli, na osnovu člana 10. u vezi sa članom 12. Zakona o udruženjima i fondacijama Bosne i Hercegovine («službeni glasnik BiH», br.32/01, 42/03, 63/08 i 76/11) Osnivačka skupština je usvojila

# STATUT Udruženja PULS

## I OPĆE ODREDBE

### Član 1.

Udruženje je osnovano osnivačkim aktom dana 12.11.2011 godine u skladu sa Zakonom o udruženjima i fondacijama Bosne i Hercegovine, kao dobrovoljno nepolitičko, nestranačko i neprofitno udruženje.

### Član 2.

Ovim Statutom, a u skladu sa Zakonom uređuje se:

- puni i skraćeni naziv Udruženja,
- sjedište Udruženja,
- definicija,
- ciljevi Udruženja,
- postupak za primanje i isključivanje članova,
- organi Udruženja,
- pravila za ostvarivanje, korištenje i raspolaganje sredstvima Udruženja i nadzor nad korištenjem tih sredstava,
- javnost rada Udruženja,
- postupak za izmjene i dopune Statuta i donošenje drugih opštih akata,
- oblik i sadržaj pečata i logotip,
- zastupanje Udruženja,
- uslovi i postupak za pripajanje, razdvajanje, transformaciju ili prestanak rada Udruženja,
- postupak za raspolaganje imovinom i drugim sredstvima u slučaju raspuštanja ili prestanka rada Udruženja,
- druga pitanja od značaja za organizaciju i djelovanje Udruženja.

---

## II NAZIV, SKRAĆENI NAZIV UDRUŽENJA

### Član 3.

Sjedište Udruženja „PULS“ je u Tuzli

Puni naziv Udruženja je:

- „Puls“ – udruženje anestetičara i medicinskih sestara/tehničara intenzivne terapije, reanimacije, urgentne medicine i transfuzije u Bosni i Hercegovini
- „Puls“ – druga anestetičara i medicinskih sestara/tehničara intenzivne terapije, reanimacije, urgentne medicine i transfuzije u Bosni i Hercegovini
- „Пулс“ – удружење анестетичара и медицинских сестара/техничара интензивне терапије, реанимације, ургентне медицине и трансфузије у Босни и Херцеговини

Skraćeni naziv Udruženja je:

- „Puls“
- „Puls“
- „Пулс“

Puni naziv Udruženja se koristi na sva tri jezika koja su u službenoj upotrebi u Bosni i Hercegovini.

## III CILJEVI I DJELATNOSTI UDRUŽENJA

### Član 4.

Ciljevi i djelatnosti Udruženja su:

- Okupljanje u članstvo Udruženje svih anestetičara i medicinskih sestara/tehničara intenzivne terapije, reanimacije, urgentne medicine i transfuzije u Bosni i Hercegovini
- Konstatno stimulisanje članova Udruženja na dodatno obrazovanje i stručne edukacije
- Aktivno učešće u izradi kvalitetnih edukativnih programa za članove Udruženja, a u skladu sa europskim standardima
- Organizovanje kurseva, edukacija i radionica u cilju dodatne edukacije članova udruženja
- Povezivanje na državnom i međunarodnom nivou u cilju promoviranja edukativnih programa za članove Udruženja
- Lobiranje koje će članovima Udruženja omogućiti učešće u izradi i evaluaciji državnih i europskih standarda i dalju edukaciju iz struke
- Organiziranje i provođenje kongresa, seminara, predavanja, savjetodavnog rada iz područja struke, u cilju permanentne edukacije članova Udruženja (informiranja i upoznavanja sa novim naučnim i stručnim dostignućima)

- Sudjelovanje na domaćim i međunarodnim skupovima i seminarima, koji su u vezi sa ciljevima i djelatnostima Udruženja
- Saradnja Udruženja sa drugim srodnim profesionalnim udruženjima
- Prezentiranje mišljenja i stavova Udruženja relevantnim tijelima
- Iznalaženje načina za poboljšanje uvjeta rada članova udruženja (radni prostor, radno vrijeme i tehnička sredstva)
- Razmjena iskustava sa istim i sličnim udruženjima u zemlji i inostranstvu
- Izdavanje brošura, protokola i drugih publikacija radi ostvarivanja ciljeva Udruženja i stručnog osposobljavanja i usavršavanja članova Udruženja i šire

#### **Član 5.**

Udruženje može obavljati srodne privredne djelatnosti koje su u neposrednoj funkciji ostvarivanja osnovnih statutarne ciljeva Udruženja i u skladu sa Zakonom osnivati društva za privrednu i druge djelatnosti koje su srodne sa osnovnom djelatnošću udruženja.

Udruženje može obavljati nesrodne privredne djelatnosti koje nisu neposredno povezane sa ostvarivanjem osnovnih statutarne ciljeva društva samo preko posebno osnovanog pravnog lica.

## **IV POSTUPAK ZA PRIMANJE I ISKLJUČIVANJE ČLANOVA UDRUŽENJA**

#### **Član 6.**

Svojstvo člana Udruženja mogu steći svi anestetičari i medicinske sestre/tehničare intenzivne terapije, reanimacije, urgentne medicine i transfuzije, državljanin Bosne i Hercegovine, kao i strano lice, koje ima boravište u Bosni i Hercegovini ukoliko prihvataju Statut i ciljeve udruženja.

Osnivači stiču svojstvo člana Udruženja danom registracije Udruženja.

Lica koja su činila ili čine znatan doprinos od interesa za Udruženje mogu biti počasni članovi Udruženja.

Naziv počasnog člana dodjeljuje Skupština Udruženja.

O članovima Udruženja vodi se evidencija.

#### **Član 7.**

Članstvo u Udruženju je dobrovoljno.

Pristupanje je individualno za svakog člana ponaosob.

#### **Član 8.**

Članovi Udruženja plaćaju mjesečnu članarinu za članstvo u udruženju. Visinu članarine utvrđuje Skupština Udruženja.

#### **Član 9.**

Prava, dužnosti i odgovornosti članova Udruženja su:

- da učestvuju u radu Udruženja;
- da biraju organe Udruženja i budu birani u organe Udruženja;
- da daju primjedbe, prijedloge i sugestije za rad Udruženja;
- da odlučuju u radu organa Udruženja čiji su član;
- da se pridržavaju ovog Statuta, odluka, zaključaka i preporuka organa Udruženja;
- da se zalažu za namicanje sredstava za programe Udruženja;
- da rade na promociji, očuvanju ugleda i jačanju pozitivnog imidža udruženja

#### **Član 10.**

Članstvo u Udruženju prestaje:

- dobrovoljnim istupanjem iz Udruženja,
- isključivanjem zbog teže povrede pravila Udruženja, Statuta ili narušavanja ugleda Udruženja,
- usljed duže neopravdane pasivnosti u radu Udruženja,
- prestankom rada Udruženja,
- smrću člana.

#### **Član 11.**

Svaki član Udruženja može istupiti iz Udruženja na osnovu pismene izjave o istupanju koju dostavlja Predsjedniku Udruženja.

Kao dan prestanka članstva u Udruženju smatra se datum prijema izjave o istupanju.

#### **Član 12.**

Član Udruženja koji grubo krši Statut Udruženja, ne izvršava svoje obaveze prema Udruženju ili svojim postupcima nanosi štetu Udruženju ili narušava ugled Udruženju može biti isključen iz Udruženja.

Prije donošenja odluke o isključenju, član Udruženja mora biti pismeno obaviješten o prijedlogu za isključenje, kao i o razlozima zbog kojih se predlaže isključenje.

Članu Udruženja se mora ostaviti rok od 8 dana za izjašnjenje o pokrenutom prijedlogu za isključenje iz Udruženja.

Odluku o isključenju iz članstva Udruženja predlaže i donosi Skupština udruženja dvotrećinskom većinom glasova prisutnih članova.

Protiv odluke o isključenju iz članstva Udruženja dozvoljena je žalba Skupštini Udruženja u roku od 15 dana od dana dostavljanja članu pismene odluke o isključenju. Odluka Skupštine Udruženja po žalbi je konačna.

## V ORGANI UDRUŽENJA

### Član 13.

- Organi Udruženja su:
- Skupština Udruženja,
- Predsjednik Skupštine Udruženja,
- Predsjednik Udruženja,
- Dva podpredsjednika udruženja
- Upravni odbor,
- Predsjednik Upravnog Odbora
- Nadzorni odbor,
- Sud časti,
- Odbor za edukaciju i bodovanje stručnih predavanja,
- Sekretar Udruženja.

### 1. Skupština

#### Član 14.

Skupština Udruženja (u daljem tekstu: Skupština) je najviši organ Udruženja, koju čine članovi Udruženja.

#### Član 15.

Skupština je nadležna za:

- donošenje Statuta, izmjene i dopune Statuta i drugih akata određenih Statutom;
- odlučivanje o pripajanju, razdvajanju, transformaciji, raspuštanju i prestanku rada kao i o drugim statusnim promjenama u Udruženju;
- imenovanje i razrješenje članova organa Udruženja;
- utvrđivanje programskih ciljeva Udruženja;
- razmatranje i odlučivanje o izvještajima koje podnosi Predsjednik Udruženja;
- donošenje finansijskog plana i usvajanje izvještaja o izvršenju finansijskog plana Udruženja;
- rješavanje žalbi;
- odlučuje o raspolaganju imovinom Udruženja;
- odlučivanje o ostalim pitanjima koja nisu stavljena u nadležnost drugih organa Udruženja.

#### Član 16.

Skupština se sastaje najmanje jedanput u toku jedne godine, a prema potrebi na prijedlog Upravnog odbora saziva se vandredna sjednica Skupštine.

Skupštinu saziva Predsjednik Skupštine udruženja najmanje 15 dana prije njenog zasjedanja.

Predsjednik Skupštine udruženja je dužan sazvati Skupštinu kada to zahtijeva najmanje jedna trećina članova Skupštine.

#### **Član 17.**

Sakupštinu čine delegati. Svaki delegat se bira u radnoj ustanovi (ustanovama) u kojoj ima članova udruženja. Ovisno od broja članova Udruženja u jednoj ili više ustanova, može se izabrati jedan ili više delegata i to po sljedećem pravilu:

- na 7 članova bira se jedan (1) delegat,

Skupština ima kvorum za rad ako Skupštini prisustvuje više od polovine ukupnog broja delegata.

Ako na zakazanu sjednicu Skupštine ne pristupi više od polovine ukupnog broja delegata, po isteku jednog sata vremena određenog za početak rada Skupštine, Skupština može punovažno odlučivati ako je prisutna najmanje jedna trećina od ukupnog broja delegata Skupštine Udruženja.

Skupština odlučuje većinom glasova prisutnih delegata ako Statutom ili Zakonom nije drugačije propisano.

## **2. Predsjednik Skupštine Udruženja**

#### **Član 18.**

Radom Skupštine upravlja Predsjednik Skupštine Udruženja, koji saziva sjednice Skupštine, predsjedava sjednicama i stara se o provođenju odluka koje donosi Skupština .

Predsjednika Skupštine biraju članovi Skupštine na prijedlog Upravnog odbora, koji je sumirao prijedloge članova Udruženja.

Predsjednik Skupštine Udruženja u slučaju spriječenosti prisustvovanja Skupštini može pismeno ovlastiti člana Udruženja koji će ga zamijeniti u obavljanju poslova upravljanja radom Skupštine.

#### **Član 19.**

Predsjednik Skupštine Udruženja obavlja sljedeće poslove:

- priprema sjednice Skupštine;
- provodi politiku, zaključke i druge odluke koje je donijela Skupština;
- podnosi godišnje i periodične izvještaje o svom radu Skupštini;
- razmatra izvještaje;
- obavlja druge poslove, predviđene Statutom i aktima Udruženja.

## **3. Predsjednik Udruženja**

#### **Član 20.**

Predsjednika Udruženja imenuje Skupština udruženja na prijedlog Upravnog odbora, na period od četiri godine sa mogućnošću ponovnog izbora.

Predsjednik Udruženja podnosi plan rada za period svog mandata o čijem prihvatanju odlučuje Skupština udruženja.

#### **Član 21.**

Predsjednik Udruženja obavlja sljedeće poslove:

- predstavlja i zastupa Udruženje;
- prisustvuje sjednicama Upravnog odbora Udruženja, sa pravom glasa;
- odgovara za zakonit rad Udruženja u okviru svojih nadležnosti;
- organizuje rad Udruženja u ostvarivanju programskih ciljeva, planova i zadataka Udruženja;
- zaključuje ugovore u ime Udruženja a na osnovu odluke Upravnog odbora;
- potpisuje finansijsku dokumentaciju Udruženja;
- organizuje i aktivno učestvuje u namicanju sredstava za potrebe rada Udruženja;
- izvršava odluke Skupštine i Upravnog odbora;
- podnosi izvještaj Skupštini i Upravnom odboru o svom radu, radu članova Udruženja i Udruženja u cjelini;
- ostvaruje saradnju sa srodnim udruženima u državi i inostranstvu;
- priprema i predlaže Skupštini i Upravnom odboru programe rada i članove projekata;
- vrši druge poslove u skladu sa Statutom.

#### **Član 22.**

Udruženje imenuje dva podpredsjednika Udruženja koje na prijedlog Predsjednika i Upravnog odbora bira i razrješava Skupština. Mandat Podpredsjednika može prestati istekom mandata, na lični zahtjev i opozivom Upravnog odbora. Podpredsednici se biraju na mandatni period od 4 (četiri) godine sa mogućnošću ponovnog izbora. Podpredsjednici mijenjaju Predsjednika u slučaju odsutnosti po pismenoj odluci Predsjednika ili Upravnog odbora. Podpredsjednici pomažu Predsjedniku u obavljanju nadležnosti i odgovornosti iz tačke 22 Statuta Udruženja i obavljaju druge poslove povjerene od strane Predsjednika i Upravnog odbora. Za svoj rad i odluke Podpredsjednici odgovaraju Predsjedniku i Upravnom odboru.

### **4. Upravni Odbor Udruženja**

#### **Član 23.**

Upravni odbor je izvršni organ Udruženja.

Odluku o imenovanju članova Upravnog odbora donosi Skupština Udruženja.

Upravni odbor ima devet (9) članova i može da kooptira do tri nova člana.

Članovi Upravnog odbora na prvoj konstituirajućoj sjednici, između sebe biraju Predsjednika i Podpredsjednika.

#### **Član 24.**

- Sjednice Upravnog odbora saziva Predsjednik Upravnog odbora.
- Upravni odbor donosi odluke nadpolovičnom većinom glasova ukupnog broja prisutnih članova Upravnog odbora.
- Mandat članovima Upravnog odbora traje četiri godine, sa mogućnošću ponovnog izbora.

#### **Član 25.**

Upravni odbor Udruženja je nadležan za:

- rukovodi radom Udruženja između dvije sjednice
- nacrtje Statuta, izmjene i dopune Statuta te drugih akata koje donosi Skupština;
- donošenje godišnjeg plana;
- odlučuje o imovini Udruženja,
- daje mišljenje i sugestije vezano za normative i standarde iz oblasti anestezilogije, reanimacije, intenzivne terapije, urgentne medicine i transfuzije;
- podnošenje godišnjih ili periodičnih izvještaja o svom radu Skupštini na usvajanje;
- imenuje članove komisija;
- predlaže Skupštini kandidate za počasne članove Udruženja;
- donosi odluku o službenim putovanjima u zemlji i inostranstvu;
- preporučuje održavanje stručnih skupova u organizaciji Udruženja;
- donosi odluke od značaja za rad Udruženja;
- daje prijedloge, inicijative i upute svim organima Udruženja;
- provodi politiku, zaključke i druge odluke koje donosi Skupština;
- razmatra izvještaje i informacije radnih tijela Udruženja;
- donosi odluke o nagradama i priznanjima Udruženja;
- vrši druge poslove u skladu sa Statutom.

### **5. Nadzorni Odbor Udruženja**

#### **Član 26.**

Odluku o imenovanju Nadzornog odbora donosi Skupština Udruženja.

Nadzorni odbor ima pet članova iz reda anestetičara, kao osnivača udruženja i može da kooptira još jednog člana.

Članovi Nadzornog odbora između sebe biraju Predsjednika i Podpredsjednika.

#### **Član 27.**

Sjednice Nadzornog odbora saziva Predsjednik Nadzornog odbora.

Nadzorni odbor donosi odluke nad polovičnom većinom glasova ukupnog broja prisutih članova Nadzornog odbora.



Mandat članovima Nadzornog odbora traje četiri (4) godine sa mogućnošću ponovnog izbora.

Nadzorni odbor ima pravo „veta“ na odluke Skupštine i Upravnog Odbora, ukoliko sporna odluka narušava prava anestetičara kao osnivača Udruženja.

#### **Član 28.**

Nadzorni odbor je nadležan za:

- nadzor provođenja Statuta i drugih opštih akata Udruženja;
- nadzor materijalnog i finansijskog poslovanja Udruženja;
- nadzor ostvarivanja prava i izvršavanja obaveza tijela Udruženja;
- obavlja i druge poslove za koje ga zaduži Skupština Udruženja.
- održavanje i provođenje ciljeva sa Osnivačke Skupštine

### **6. Sud časti**

#### **Član 29.**

Radi zaštite etičkih normi Skupština Udruženja osniva i bira Sud Časti.

Sud Časti ima pet (5) članova i odluke donosi nadpolovičnom većinom glasova prisutnih članova.

#### **Član 30.**

Sud Časti je nadležan za:

- ciljevi Udruženja nakon transformacije ocjenu da li se radi o povredi profesionalne etike prijavljenog člana Udruženja,
- utvrđuje činjenično stanje u svakom konkretnom slučaju,
- odlučuje u slučajevima povrede Statuta kao i o svim drugim povredama koje nanose štetu Udruženju,
- izriče sankcije

### **7. Odbor za edukaciju i bodovanje stručnih predavanja**

#### **Član 31.**

Odbor za edukaciju i bodovanje stručnih predavanja imenuje Skupština Udruženja.

Odbor za edukaciju i bodovanje stručnih predavanja broji sedam (7) članova.

Mandat članovima Odbora traje četiri godine uz mogućnost ponovnog izbora.

Članovi Odbora na prvoj konstituirajućoj sjednici između sebe biraju Predsjednika Odbora za edukaciju i bodovanje stručnih predavanja.

## **Član 32.**

Odbor priprema i predlaže:

- obavezno stručno usavršavanje,
- provjera znanja anestetičara i medicinskih sestara/tehničara intenzivne terapije, reanimacije, urgentne medicine i transfuzije,
- propise koje determinišu obrazovanje anestetičara i medicinskih sestara/tehničara intenzivne terapije, reanimacije, urgentne medicine i transfuzije,
- kriterije o vrednjovanju stručnih skupova,
- daje prijedlog Upravnom odboru o bodovanju svakog prijavljenog stručnog skupa,
- daje mišljenje o izdavanju licence anestetičara i medicinskih sestara/tehničara intenzivne terapije, reanimacije, urgentne medicine i transfuzije

## **8. Sekretar Udruženja**

### **Član 33.**

Sekretara Udruženja imenuje Skupština Udruženja na period od četiri godine, sa mogućnošću ponovnog izbora.

Sekretar Udruženja je zadužen za komunikaciju sa ostalim članovima Udruženja i vodi sekretarske poslove na sjednicama Organa Udruženja „PULS“.

### **Član 34.**

Sekretar je nadležan za:

- brine se i vodi evidenciju o članovima Udruženja,
- čuva pečat Udruženja,
- prima, otvara i evidentira poštu,
- stara se o arhiviranju dokumentacije,
- vodi zapisnike sa sjednica Organa i Komisija,
- stara se o korespondenciji Udruženja,
- vodi administrativne poslove,

### **Član 35.**

Predsjednik i Podpredsjednici Udruženja, kao i Sekretar Udruženja mogu biti razrješeni i prije isteka mandata na koji su imenovani i to:

- na lični zahtjev
- ako zakonito ne obavljaju poslove i zadatke
- u drugim slučajevima utvrđenim Zakon i Statutom

## **VI NAČIN ZASTUPANJA I PREDSTAVLJANJA**

### **Član 36.**

Udruženje u pravnom prometu predstavlja i zastupa Predsjednik Udruženja u okviru ovlaštenja utvrđenim ovim Statutom i Zakonom.

U poslovima u kojima se otuđuje ili opterećuje nepokretna imovina Udruženja mora se pribaviti prethodna saglasnost Skupštine Udruženja.

### **Član 37.**

Predsjednik Udruženja može donijeti odluku kojom će ovlastiti i druge osobe da zastupaju Udruženje.

Odlukom iz prethodnog stava će se utvrditi ovlaštenje, odnosno ograničenja ovlaštene osobe u zastupanju Udruženja.

### **Član 38.**

U postupcima u kojima Udruženje učestvuje kao stranka radi ostvarivanja svojih prava, obaveza i odgovornosti pred nadležnim organima, predsjednik Udruženja može dati pismenu punomoć za zastupanje advokatu ili drugom stručnom licu.

## **VII SREDSTVA ZA RAD UDRUŽENJA**

### **Član 39.**

Sredstva za rad Udruženja obezbeđuju se iz sredstava:

- članarine;
- dobrovoljnih priloga i poklona javnih institucija, fizičkih i pravnih lica, kako domaćih tako i stranih, u gotovini, uslugama ili imovini bilo koje vrste;
- državnih subvencija i ugovora sa državom, javnim institucijama, fizičkim i pravnim licima, kako domaćim, tako i stranim;
- prihoda od kamata, dividendi, dobit od kapitala, zakupnina, honorara i sličnih izvora pasivnog prihoda i prihoda stečenog kroz ostvarivanje ciljeva i aktivnosti Udruženja kako je određeno ovim Statutom.
- privrednih i vanprivrednih aktivnosti u skladu sa ovim Statutom

### **Član 40.**

O sticanju prihoda, korištenju imovine i raspolaganju sredstvima Udruženja odlučuje Skupština i Upravni odbor u skladu sa Zakonom, ovim Statutom i općim aktima Udruženja.

Udruženje je dužno uredno voditi poslovne knjige u skladu sa prihvaćenim računovodstvenim principima i sastavljati finansijske izvještaje, saglasno važećim propisima.

#### **Član 41.**

Predsjednik Udruženja je dužan, najmanje jednom godišnje, podnijeti Skupštini izvještaj sa podacima o imovini Udruženja, korištenju imovine, prihodima i rashodima Udruženja i drugim pitanjima od značaja za raspolaganje imovinom i za finansijsko poslovanje Udruženja.

Finansijsku dokumentaciju potpisuje predsjednik Udruženja, te je isti ujedno i odgovorno lice za materijalno finansijsko poslovanje Udruženja.

### **VIII JAVNOST RADA UDRUŽENJA**

#### **Član 42.**

Rad Udruženja je javan.

Javnost rada Udruženja se ostvaruje na način utvrđen Zakonom i ovim Statutom.

#### **Član 43.**

Organi Udruženja su dužni da članovima Udruženja i ovlaštenim predstavnicima sredstava informisanja učine dostupnim podatke, informacije i isprave koje se odnose na rad Udruženja.

Predstavnici sredstava informisanja imaju pravo da prisustvuju sjednicama Skupštine i da izvještavaju o radu tog organa.

#### **Član 44.**

Članovi Udruženja imaju pravo da budu redovno informisani o radu svih organa Udruženja.

Za informisanje članova Udruženja zadužen je Predsjednik Udruženja.

#### **Član 45.**

Udruženje nema poslovnih tajni.

### **IX STATUT I DRUGI OPŠTI AKTI UDRUŽENJA**

#### **1. Izmjene i dopune Statuta**

#### **Član 46.**

Incijativu za izmjene i dopune Statuta može podnijeti svaki član Udruženja. Incijativa se podnosi Skupštini, pismenim putem i sa odgovarajućim obrazloženjem.

#### **Član 47.**

Prijedlog za izmjene i dopune Statuta utvrđuje Predsjednik Skupštine Udruženja. Utvrđeni prijedlog dostavlja se članovima pismenim putem i sa odgovarajućim obrazloženjem, najmanje 15 dana prije održavanja sjednice Skupštine.

#### **Član 48.**

O izmjenama i dopunama Statuta odlučuje Skupština, većinom glasova ukupnog broja članova Udruženja.

#### **Član 49.**

Predsjednik Skupštine potpisuje 2 primjerka odluke o izmjenama i dopunama Statuta, koji se smatraju originalima i čuvaju se u arhivi Udruženja.

## **2. Opći akti Udruženja**

#### **Član 50.**

Pored Statuta organi Udruženja mogu donositi i druge opće akte i to:

- odluke,
- pravilnike,
- poslovnike.

Opći akti Udruženja moraju biti saglasni zakonu i Statutu Udruženja.

#### **Član 51.**

Odluke, kao opći akti, donose se u slučajevima kada je to izričito utvrđeno Zakonom i ovim Statutom, kao i drugim slučajevima kada se na opšti način uređuju pitanja od značaja za ostvarivanje ciljeva Udruženja.

#### **Član 52.**

Pravilnikom se na opći način uređuju odnosi između članova Udruženja, kao i međusobni odnosi organa Udruženja u ostvarivanju njihovih nadležnosti.

#### **Član 53.**

Poslovníkom se bliže uređuje način rada organa Udruženja u izvršavanju njihovih nadležnosti utvrđenih Statutom.

#### **Član 54.**

Originalni primjerci općih akata Udruženja čuvaju se u arhivi Udruženja.

## **X OBLIK I SADRŽAJ PEČATA I LOGOTIP UDRUŽENJA**

#### **Član 55.**

Udruženje ima svoj pečat i znak ili logotip.

Udruženje ima pečat koji je okruglog oblika, promjera 3,5 cm sa kružnim tekstom punog naziva Udruženja na bosanskom jeziku, u sredini pečata je skraćeni naziv Udruženja.

Udruženje može imati više pečata ali svaki primjerak mora biti označen rednim brojem.



Znak ili logotip je u obliku kružnice, u kojoj je grafički prikaz lica sa kiseoničkom maskom ispod kojeg se nalazi grafički prikaz otkucaja srca, što simbolizira rad iz oblasti anestezije, reanimacije, intenzivnog liječenja i urgentne medicine, te pet kapljica krvi, na vratu kiseoničke maske, što simbolizira rad iz oblasti transfuzije. Ispod loga stoji skraćeni naziv udruženja „PULS“.

## **XI STATUSNE PROMJENE**

### **1. Transformacija Udruženja**

#### **Član 56.**

Udruženje se može transformisati u Udruženje od javnog interesa.

#### **Član 57.**

Odluku o transformaciji donosi Skupština Udruženja.

Odlukom iz prethodnog stava se reguliše naročito:

- naziv Udruženja nakon transformacije u Udruženje od javnog interesa, kao i sjedište i adresa;
- podjela imovine, prava i obaveza;
- ciljevi Udruženja nakon transformacije;
- imena osoba ovlaštenih za obavljanje poslova u podnošenju zahtjeva za upis u registar izvršene transformacije Udruženja.

#### **Član 58.**

Odluka iz prethodnog člana Statuta smatra se usvojenom kada je na sjednici Skupštine prihvati više od polovine od ukupnog broja članova Udruženja.

### **2. Prestanak rada Udruženja**

#### **Član 59.**

Udruženje može prestati sa radom dobrovoljno ili po sili Zakona.

#### **Član 60.**

Udruženje prestaje sa radom dobrovoljno ako Skupština dvotrećinskom većinom svih članova Udruženja donese odluku o prestanku rada Udruženja.

Istovremeno se odlukom o prestanku rada Udruženja Skupština donosi plan likvidacije Udruženja, kojim se utvrđuje raspored imovine, prava obaveza Udruženja, u skladu sa Statutom Udruženja.

Skupština imenuje likvidatora Udruženja čija je dužnost da provede plan likvidacije i koji je ovlašten da zastupa Udruženje u postupku likvidacije i u podnošenju zahtjeva za prijavu prestanka rada Udruženja nadležnim organima.

---

## **XII PRELAZNE I ZAVRŠNE ODREDBE**

### **Član 61.**

Ovaj Statut stupa na snagu danom donošenja, a primjenjivaće se od dana upisa Udruženja u registar nadležnog Ministarstva.